



MARYMA

Ramhlun North YMA Chanchinbu

“YMA thuvawn: YMA chu tanpui ngaite tanpuitu



YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan

Vol. 44

Issue No. 23

Ramhlun North: Ni 6 June, 2026



BRANCH THU

■ **Baptist Kohran Thalai Kristian Pawl chuan June ni 5, 2026 (Zirtawpni)** zan khan Zemabawk North-a kan veng thlanmualah hnatlangin thlan an lai a, RNYMA-in hnatlang te chungah lawmthu a sawi.

■ **Library-in Internet connection sponsorsip an dawng:** RNYMA Library chuan Samagra Siksha, Mizoram atangin kum khat atan Internet connection sponsorship a dawng a, a tul anga buaipui tu Pu R Zonunmawia, Adviser, RNYMA chungah lawmthu an sawi. Samagra Siksha hian nikumah pawh Library Internet connction hi an lo sponsor tawh a, Library-in a tangkaipui thin hle a ni.

■ **Branch Executive Committee Meeting hun sawn:** RNYMA-in Executive Committee Meeting nana hun nghet ang deuha kan neih, thla thar Zirtawpni vawi hnihna chu YMA Day puala futsal tournament neih a nih dawn avangin meeting hun hi sawn a ni a, a hun tur member-te kan la inhriattir leh dawn nia.

■ **Branch OB & Sec. OB meeting:** June ni 7, 2026 (Pathianni) tlai dar 3:00 hian Branch OB leh Section OB te YMA Committee Room-ah YMA Day pual thilpek chungchang sawiho tura kalkhawm tur a ni e.



SECTION THU

■ **Neuva Section:** Section Committee Member atan NI. Lorna Laldusaki leh Tv. Lalramnunmawia te an ruat thar.

■ **Taitesena Section:** Section T-shirt siam tumin hma lak mek a ni. Pickle min leisaktute leh T-shirt order-te chungah lawmthu kan sawi.

■ **Khuangchera:** Ni 9.06.26 (Thawhlehi) zan khian section committee member Runmawi-ah hnatlang neih tur a ni e.

Library duty turte:

1. RD Vanlalmangaihzele, N-Sec.
2. Ruth Biakchungnungi, T-Sec.
3. Lalnunpuii Hmar, T-Sec.
4. Lalremruatfeli Pulamte, K-Sec.
5. Zodinpuui Zote, T-Sec.
6. Lalmawizuali, S-Sec.

YMA Day lawm nan Section intihsiakna Futsal Tournament leh Beat Contest buatsaih dawn

Ramhlun North, the 6th June, 2026: Kumin YMA Day lawmna June ni 15-ah neih a ni dawn a, hemi pual hian June ni 12 (Zirtawpni) zanah RSC Field-ah Section hrang hrang inelna atan Futsal Tournament neih a ni ang a, June ni 15 (Thawhtanni)-ah YMA Day lawmna pui ber neiin, zingkarah veng chhung thenfai hnatlang neih a ni ang a, zanah Section hrang hrang inelna atan Beat Contest neih a ni bawng ang.

June ni 12-ah hian zan dar 7:00-ah tan tur a ni a, YMA Day lawmna buaipui tura din Organising Committee Chairman Pu Lalrochama, Vice President, RNYMA-in he hun hi a kaihruai ang a, Section hrang hrang inchhiar zawhah Section tin leader ten Section flag kengin ‘thutiam chhamna’ an nei ang a, chumi zawhah futsal tournament tan a ni ang.

YMA Day, June ni 15, Thawhtanni zanah Kohran hrang hrang Thalai Pawl inkhawm banah hun hman tan tur a ni a, hun hi chhawng hnih ang deuha hman a ni dawn a, hemi zanah hian section hrang hrang intihsiakna atan RSC Field-ah Beat Contest neih a ni ang a, beat contest-ah hian Pu T Laldintluanga, V-Sec., Pu John Lalremruata, C-Sec. leh Pu LP Laltleipuaia, Ramhlun Venglai te endiktu an ni ang.

Intihsiaknaa tel band (beat group) pakhatin minute 10 zel stage-ah hun a nei ang a, an din chhuah atanga an hla sak zawh thleng a huam ang a, khawl lam a harsatna (technical failure) awm thei erawh a huam lo vang; chutiang thil ni lova hun an bawhpelch chuan point paihsak an ni ang. Hemi chungchhang hi judge leh convener te thutluknaah a innghat ang.

Hla pahnih hmanga intihsiakna neih tur a ni a. Hla thlan sa hla pathum - ‘Rawlthar tang fan fan’, ‘Aw Mama’ leh ‘Zo hnam val rual’ atangin an duh ber hla pakhat hi chang khat leh a thunawn an sa ngei ngei tur a ni a, anmahni hla duh zawng pakhat nen an sak zawng ang.

Band member te chu section member an ni ngei tur a ni a, band member awm thei zat bithliah a awm lo a, music instrument hman theihah pawh bithliah a awm chuang lo a, chutih rualin pre-programme leh sampled loop te, khawl hmanga tempo vawng thei chi (sequenced pattern leh click track) emaw playback device emaw lam chi reng reng chu hman khap tlai a ni. Hetiang hmang kan awm a nih chuan point paihsak atanga disqualify thlengin Judge ten thu tlukna an siam thei ang.

Futsal tournament hi minute 15+5+15 a khelch tur a ni a, Section tinin mahni section rawng inkhelh kawr hak tur a ni. Hetiang hi inkhelh dan indawt tur a ni:
 Khelch 1-na: N-Sec. vs S-Sec.
 Khelch 2-na: V-Sec. vs K-Sec.
 Khelch 3-na: C-Sec. vs Khelch 1-na chak zawk
 Khelch 4-na: T-Sec. vs Khelch 2-na chak zawk
 Final-ah Khelch 3-na leh Khelch 4-na a chak zawk te an intum ang.

Library Sub Committee-in “Meet the Author” hun hmang

Library Sub Committee chuan vawiin, June ni 6, 2026 (Inrinni) hian a vawi khat nan “Meet the Author” hun an hmang a, he hun hmanpui tur hian Mizo ziakmi hriat hlawn tak, Mizo Academy of Letters (MAL)-in Book of the Year-a an thlan lehkhahu te pawh lo ziak tawh Pu Lalrammawia Ngente, Luangmual South an sawm a, ani hian May thla chhunga library tlawh tha te hnena lawmman a sem nghal a, Library room-ah hlawnhtling takin he hun hi an hmang a ni. Library Sub Committee chuan hetiang programme hi a khathawkin hman theih thin an tum tawh dawn a ni.

Pu Rammawia hi Govt. Johnson College-a Mizo Department-ah Associate Professor a ni a, Mizo thu leh hlain hma a sawn theih nana mi inhmang leh thawh hlawn tak niin, MAL Book of the Year pawh pahnih nei tawhin, 2025 khan a lehkhahu “Kham leh Suar” chu thlan a ni a, 2009-ah a lehkhahu ziah “Rintei Zimleng” chu thlan a lo ni tawh bawh. A kutchhuak lehkhahu chi hrang hrang 30 chuang a nei tawh a ni.

Ramhlun North Branch YMA Library hi nikum lamah a hmun hma te sawnin, Chawngbawla Run-ah dah a ni ta a, kum hmasa lam kha insiamrem nana hmangin an inhawng mumal vak lo a, kuminah an inpeih fel ta a, library tlawhtu pawh an pung chak hle a, ni khata tlawhtu mi 100 neih tling tum te pawh an nei ta hial a, kan veng naupang te library ngaihhlutna kawnga an harh thar lehzuat theih nan tiin Meet the Author pawh hi an buatsaih a ni.



KAWNGPUIHIVANTLANG

TAANI

Mihring hi mahni chauhva nung thei kan ni lo va, mi dangte nena inkungkaihna leh thawhona hmanga nung ho tur kan ni. Khawtlang kan neih chhan pawh hi mi tin te kan inpuih tawn a, muang tak leh hlim taka kan khawsak ho theih nan a ni. Chu khawtlang chu a lo ralmuan a, hma a sawn zel dawn chuan dan leh hrai a neih a ngai a, chu chu a chhunga chengten an zawm tlan a ngai thin. Tute pawh hian mimal zalenna leh dikna chanvo kan nei theuh va, chu chu mi dang pawhin an nei ve a ni tih kan hriat a kan inzah tawn a ngai reng a ni.

Dan leh thupek zawm loh na hmunah chuan nun a buai a, a chak zawk ten a chak lo zawkte an rah beh mai piah lamah, mihring zahawmna leh dikna chanvoten hmun an chang tawh thin lo. Thenkhatin dan an zawm duh loh a, an pawisak loh hian khawtlang inrelbawlana an ti chhia a, chu chuan mi dangte ah kangkai zel in khawtlang pumah dan zah lohna leh pawisak lohna a hring thin.

Kan veng chhunga kan kawng neihte alo tlo zawk nan leh lirthei veivahna kawnga harsatna a awm loh nan Local Traffic Management Committee-ten theihtawp chhuahin hma an la hi a lawmawm takzet a. Chutihrualin, thuawih duh miah lo kan la awm fo hi chu a pawh hle. He thil hi chapona mai piah lamah khawtlang leh vantlang nun zah lohna liau liau a ni a, tlawmngaihna leh inzah tawna kan tlakchham zia a tilang chiang hle.

Kawngpui hi mimal ta a ni lo va, vantlangin a kan in hman tawm tura siam a ni. Mahni remchan leh awlsam dan tur ringawt ngaihtuah a zan riaka kawngpui a motor hung tlat thinte hian khawtlang hmasawna an ti thuanawp fo. Mimal hmasialna hian chetsualna bakah kangmei leh damlo, hmanhmawh thil a phurh sawn ngai te tan harsatna a siam thei a, midang nunna hial pawhin a tuar phah thei a ni tih hria ila. Hetiang a thlen loh nan Local Traffic Management Committee thu hi zawm hram i tum ang u.



KHAWTHLIR

DULLAI SIAL LEH VANKAL SIAL CHANCHIN

Dullai khaw hmun hlui hi NE Bualpui leh Aiduzawl khaw inkâr Dul lui kama awm a ni a. NE Bualpui aţângin km 4 vela hlaa awm a ni a, leilet leh lo hmun atana tha, hmun zawl leh rái nuam tak a nih avângin tunah pawh leilet leh huan hmun nghet atana mimal enkawl ram a ni zo deuh vek tawh nghe nghe a ni. Dullai khaw hming hi thawnthua 'Dullai Sial' avângin hriat pawh a hlauh hle a ni. He Dullai Sial hi a thihin a lu bawh tawh thla chu lungpuih a pâwng zawngin an kêr a, tûn thlengin hmuh theihin a la awm nghe nghe a ni. He lunga a ki hmawr leh a ki hmawr inkâr hi meter 3.10/ feet 10.2 a ni a, a ki bulthut aţanga tehin a ki sei zawng hi meter 1.75/ feet 5.9 a ni. A hnar aţanga a chal thlenga tehin meter 2/ feet 6.7a tling nghe nghe a ni.

Hmanlai hian Dullai khuaah hian hmeithai pakhat hi a awm a, ran vulhah pawh a tluang em em mai a. A sial pakhat chu a tha fal bik hle mai a, a taksa leh a puan reng reng chu a thain a chak hle a ni. A neitunu chuan chi thlahtu atan tiin duat takin a enkawl a. Chi a liah dawn pawhin a inchung aţanga liah a ngai thin a. A chi liah chu a ngeihin, chakna leh thanna nasa tak a pek belh chhah a. Khaw hrang hrang aţang te hian chu sial en tur chuan an lokal thin a, chutiang chuan a hming pawh a lo thang tha hle a ni.

Dullai khaw daiah hian chi khur a awm a, chu chu sialin an tlan thin a, an hrisel phahin an chak phah em em a. Chu chi khur tui al chu khaw dang sialte chuan tlan ve tumin an rawn pan ve thin a; mahse, Dullai sial hian a lo phal lo a, a lo dang tlat mai thin a ni.

Chutiang taka chak lo zawk nih reng mai chu Vankal sial chuan hrehawm a ti a. Chi khur tlan tur dang zawngin a vak chhuak ta a. Vankal khua aţanga khawchhak lamah kalin Khualen leh Tualpui a kaltlang a, chutah Rabung, Meitei, Bualpui, Kawlkuhl, Chhawrtui, Rullam, Khawbel, Tleu, Tawi, Hualtu leh Chhingchhip tlang dung zelah kalin chhim lam a pan zel a. Thenzawl lamah kal zelin Pukzing khaw bul 'Sial ring tui' chu a zuk thleng thla ta a. He 'Sial ring tui' hi tunah chuan 'Chi khur pui' tia hriat a ni. Thil mak angreng tak chu Vankal Sial hian, he chi khur 'Sial ring tui' a panna kawngah hian lui pakhatmah a kan lo a ni.

Vankal Sial neitupa chuan kâr lovah a sial awm loh chu a hre nghal vat a. An khaw chheh velte a zawn ngial hnuah pawh a hmuh

zawh tak loh avangin Pukzing khaw lama 'Sial ring tui' chu a zuk zawng thleng ta zel a. A sial a hmuh hnu chuan a pu chuan Vankal khaw lam panin a kal lama a kalna kawngah bawh chuan a kalpui leh ta a. Amaherawhchu, an khua an thlen hnu pawh chuan sial dang zingah tal duh, lovin hlim lo takin a awm ta reng mai a. Dullai Sial laka phuba lak dan zawng ru ranin a awm ta a ni.

Tûk khat chu hmun âwih takah lambunna atana remchang zet maiah hian Vankal sial chuan Dullai sial chu a lo chang ta a. He kawng hi Dullai sial in chi khur panna atana a zawh ber thin a ni a. Chutah le! Dullai sial chu, tûk dang ang bawka thlamuang taka a lokal chu Vankal sial chuan a thlang kham chhengchhe deuh maiah chuan a nawr thla ta phut mai a ni.

Dullai sial chu chak lo zawk vanduai zawk ni mahse, a lu thla lunga kêra a awm avângin tûn thlengin a hmingthang zawk ta tho va. Vawi khat chu Pawite pakhat hian a ki lem rêk chu a lo rek chhum a, a ni la la aţang chuan lu kawlh rawtin a damlo e, an ti.

Mi thenkhat chuan Dullai khaw hmunah hian Meitei ho an cheng hmasa ber niin an ngai a. Amaherawhchu, chung thu han tichiang thei dang engmah hmuh leh hriat a nih loh avângin pawm mai chi erawh chu a ni lo. Pu Aitlaia (90), Dullai khuaa piang hman leh tual chai rual an nih thlenga Dullai khuaa awm chuan hetiang hian a sawi. "Vanhnuailiana fapa Liankhama kha helai hmun lo luah hmasa ber a ni a. Chhak leh thlang indo 1877-1880 lai khan Bualpui hmunah in 850 lai neiin an lo awm tawh a ni. Chhak leh thleng indo pawh khan Liankhama vang hi a ni e, a tih theih nghe nghe a ni. Bualpui aţanga Zawlnghakah a insawn tak hnuah phei chuan Bualpui hi luah lovin a awm ta reng a. Kum 1890 a British sawrkarin Mizo lalte ram a sem khan Vanhnuailiana fapa naupang ber Chinhleia chu Pawlrang hmun a chantir a. Kum 1902 khan Pawlrangah awm hmun bengbelin an awm a, kum 1912 khan Artui Khawawih an tih mai hmunah an insuan leh a, amaherawhchu a fapa Lalbawnga erawh chu Pawlrang hmunah a awm chhunzawm ta zel a ni. Chhinleia chu Artui Khawawih hmuna a thih hnuin a fapa Suakphunga chu a rawn lal a, kum 1917 khan Dullai khaw hmunah hian an awm ta a ni."

Hei hi History-a Dullai hmun a awm hriat chian theih ber chu a ni awm e. Amaherawhchu, kan hriat theih hma he thawnthu hunlai hian an lo cheng tawh ngei niin a lang.

Editor: Vanengmawia (7085878827); **Jt. Editors:** A. Lalfakzuala, Lalrotluangi Zote, , Henry VL Nghilhlova Zote

Manager: Lalremsanga Hnamte (8974845644); **Asst. Managers:** Zodingliana, Lalrinchhana, Lalrinawma

News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte

Circulation Managers: PB Lalhuapzauva, Samuel Lalhlupua, Hmingthanzuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia


ZIN & HAW

- Pu Lalrochama, Vice President, RNYMA, Guwahati zin chu a lo haw leh ta.
- Pu Rorelliana, Treasurer, RNYMA, chhungkaw thila Shillong-a zin chu a lo haw leh ta.
- Pu Lalremsanga, BECM chu Mamit atangin a lo haw.
- Tv. LR. Timothy-a s/o Pu Rorelliana Branch Treasurer, British Army chu UK atangin chawlh hmangin a lo haw.
- Tv. Lalhmangaihzuala s/o Pu Rorelliana Branch Treasurer chu Assam Regiment Passing Out Parade hmang zovin a lo haw.
- Pu Paul VL Nghaka, S-Sec., Champhaia zin chu a lo haw leh ta.
- NI. Annie Zothanpari d/o Pi Lalchawiliani, T-Sec., Bangkok a zin chu a lo haw leh ta.
- Pu Zothanmawia te nupa K-Sec., an fapa Assam Regiment passing out parade hmanpui a Shillong kal chu an lo haw leh ta.
- NI. Lalthanpui d/o Lalthangkunga (L), T-Sec. chu a hnathawhna USA atangin a lo haw.
- NI. Lalthanpui, V-Sec. chu chhungkaw pawimawh buaipuiin Shillong-ah a zin.
- Pi Ngurpui, V-Sec. te chhungkua chu Muallchengah an zin.
- Capt. Michael Lallawmzuala s/o Rothuama, C-Sec., chu chhungte tlawh turin Gurgoan atangin a lo haw.
- Pi C. Ronguri, N-Sec. Kolkata a inentir a kal chu an lo haw leh ta.
- Pu FK Lawmsangzuala, N-Sec. chu Guwahati-ah inenkawl turin a kal.
- Pu Jonathan C Lalrintluanga, N-Sec., chu Kolkata Apollo Hospital-ah inentir a kal chu a lo haw leh ta. An nu Pi Lalfakzuali'n a kalpui.
- Pu Francis K. Sungte, C-Sec. chu Guwahati lamah an inentir a kal.
- Pi T Ngaihawmi m/o Pi Lalnithai Saizahawla Section Vellore a in chekup a kal chu a lo haw.


KOHHRAN

- **Presbyterian Kohhran, Ramhlun North:** Kohhran Pavalai Pawl te Khawhai Pavalai Pawl tlawhin an kal a, mi 70 vel an kal.
- **Baptist Kohhran:** June ni 6 leh ni 7, 2026 hian Prem India Mission Inkhawmpui Vawi 1 na chu BCM Ramhlun North ah nghah a ni a. Speaker tur hi Rev. Israel Lalremtluanga a ni. Prem India Mission (PIM) hi Uttar Pradesh State a Sonbhadra District bika rawngbawl na la ni rihin, Headquarters atan an khawpui Robertganj chu hman a ni.
- **Roman Catholic:** June ni 7, 2026 ah Diocese Sunday School Ni an hmang dawn a, Sunday School department tin ten item an nei dawn a ni. He hun thupui tur hi Thianghlimna leh Thilphalna a ni.


DAMLO

- Pu Lalsawmzuala, V-Sec. chu thawhah avangin LRM Hospital, ICU-ah enkawl a ni.
- Pu Rohmingthanga, V-Sec. chu ZM&C-ah enkawl mek a ni.
- Pi Chawngnhuni w/o TC Zadenga (L), S-Sec. chu lunglam natna avangin Civil Hospital Aizawl-ah enkawl mek a ni.
- Pu K. Lianchhunga, K-Sec. mit (eye) na avanga Synod Hospital, Durtlang a awm chu a lo chhuak leh ta.
- Vanlalpeka Hrahsele s/o Zasangzuala Hrahsele, K-Sec. Synod Hospital, Durtlang a awm chu in lama inenkawl chhunzawm turin a lo chhuak.


PAWL DANG

- **Joint Action Committee, Ramhlun North:** Vengchhung hmun hrang hrang ah zanrei tak tak thleng in awmkhawm leh bengchheng siam thin kan awm thin a. RNJAC ten police nen hma la in, duty ngawrh zual tum a ni. Midang tan a buaina siam te lakah dan ang a hmalak tum zel tawh a ni


LAWMAWM


- Babie Zorinpui w/o Malsawmzuala, Assistant Secretary, V-Sec. chuan MZU hnuiaia Public Administration Department atangin Ph.D a hmu thar. A thesis chu "Disaster Management in Mizoram: A Study on the Awareness and Preparedness Amongst Women in Aizawl District" tih a ni.
- Pu Darchungnungaleh Pi PB Ramthansangi, V-Sec., te nupa chuan Synod Hospital, Durtlang-ah fapa an nei.
- Pu C. Lalhmachhuana, T-Sec., te chhungkua chuan T-Sec. a anmahni in sak thar an luah lut ta.


THILDANG

- Yonex Sunrise Gabriel P.C. Lalliansanga Memorial Junior MBA Official Badminton Championship 2026 Ramhlun Indoor a neih a kan veng naupang te result:
 1. K. Liansangzela s/o K. Vanlalrova, N-Sec. Champion Boys Under 15 Singles & Doubles
 2. K. Lalruatpui & K. Rohlupui d/o KT Thangdingliana, N-Sec. Runners Up Under 13 Girls Doubles
 3. K. Lalruatpui d/o KT Thangdingliana, N-Sec. 3rd Place Under 13 Girls Singles
 4. K. Vanlalpekhui d/o K. Vanlalrova, N-Sec. 3rd Place
- District Badminton Association Aizawl North Zone Tournament, Ramhlun Indoor Stadium a neih a kan veng naupang te result
 1. K. Lalruatpui d/o KT Thangdingliana, N-Sec. Champion Girls Under 13 Singles
 2. K. Rohlupui d/o KT Thangdingliana, N-Sec. Runners UP Girls Under 13 Singles & 15 Singles
 3. K. Vanlalpekhui d/o K. Vanlalrova, N-Sec. Runners Up Girls Under 11 Singles.
- Pu Lalnunchama te chhungkua chu Vanbawng atangin Pu K. Thanzuala in, K-Sec.-ah an rawn insawn.


CYMA THU

- **29.5.2026:** YMA kumpuan bawhzuina kawng khat atan Central YMA bultumin Lengpui Model Vengah Ruihhlo that loh zia inzirtirna Street Campaign neih a ni a, Central YMA OB, CEC, Kumpuan Sub-Committee te an tel.
- **30.5.2026:** Pangzawl Group YMA-in Khuanglum Community Hall-ah Intuaitharna hun an hmang a, Prof. Malsawmliana Gen. Secretary bakah CEC member atangin - Pu Lalbiakkunga, Pu Lalsawma Ralte, Pu Zoramthanga, Pu K. Lalrinhlua, Pu R.L. Thanhnuna, Pu Manliana, Dr. Lalrinawma Hnamte leh Health & Sanitation Sub-Committee member 5 ten an hmanpui.
- **1.6.2026:** Excise & Narcotics Deptt. Conference Hall-ah Ministry of Home Affairs (Narcotics Control Bureau) in YMA-in ruihhlo do-na atana a hman tur motor Bolero Camper 3 leh Ecco Van 3 an pek chu Central YMA kuta hlanna hun hman a ni a, Central YMA OB te bakah CEC member atangin - Pu Lalrochuanga Pachuau, Pu John Kima, Pu Lalrochama, Pu Lalbuatsaiha, Pu Anthony Lalhriatpui, Pu Kenedy R. Malsawma, Pu Vanlalhlana, Tv. C. Lalthlamuana, Pu Ngurthansanga, Tv. Darremsanga Renthlei, Pu R. Lalchhanhima leh Pu Israela te an tel.
- **2.6.2026:** Central YMA Office-ah Central YMA OB leh MKHC hruaitu ten inkawmhona hun an hmang.
- **2.6.2026:** Secretary, Commerce, Industries, Geology and Mining Deptt. Pisa-ah Draft the Mizoram Trade & Enterprise (Formalization & Facilitation) Act, 2026 chungchang meeting neih a ni a, Pu S.F. David Ngursangzuala Asst. Secretary a tel.
- **3.6.2026:** Central YMA bultumin Central YMA hall-ah HSLC Top 10 leh HSSLC Top 3 te lawmpuina leh chawimawina hun hman a ni.
- **4.6.2026:** Tlangnuam West Branch YMA-in Leadership & Account Training hun an hmang a, Pu S.F. David Ngursangzuala Asst. Secretary bakah CEC member atangin - Pu Zangurna Hnamte, Tv. C. Lalthlamuana, Pu Kenedy R. Malsawma, Pu Ramherlaina ten an hmanpui.
- **4.6.2026:** Mizoram Chemmists & Druggists Association hruaitute Central YMA Office-ah an lo leng a, Central YMA OB te nen inkawmhona an nei.
- **5.6.2026:** Secretariat Room No. 310-ah Special Search Committee for Identifying Persons for Nomination to Padma Award meeting neih a ni a, Pu R. Lalngheeta President a tel.


SUB-COMMITTEE THU

- June ni 5, 2026, Zirtawpni zan khan Cultural Sub Committee chuan Ramhlun North Community Hall-ah YMA Day a hnam lam entir tur an zir



KA PU KHA (True Story)

- R. Lalremruata, C-Sec.

Kum 2017 kham kum 15 chauh ka la ni a, khual khua hla ve tak maiah ka chhungten lehkhazirin min dah a. Hmeichhia, kum la naupang ve tak chu hma thlir thui tak pawh ka neih phak loh lai chuan ka pa damloh thu in minrawn thawng thut mai a. Ka pa chu a na hle mai a, hmanhmawh taka ka haw a ngai ta tlat mai. Sumo ticket la in ka haw ta nghal a, zinkawng a zawnga hrehawm ka tih ber mai chu.

Fur lai a ni a, leimin a awm nual avangin kalkawngah kan ding ta fo va. Kan khua hi sumo direct a awm lova, kan khaw hnaih ber atangin sumo hrana kal leh a ngai a. Cellphone ka nei lova, chhungte biak pawh zung zung a theih lohva, ka pa damlo chu engtin nge a awm ang, ka va nang hman angem le, a lo tha chhuak leh thei hram angem le, ka tet zual laia min duat theih thin ziate kha... ngaihtuahna a kal kual nasa ngei mai.

Kan khaw hnaih ber khua kan thlen chuan kan khaw sumo a lo awm tawh loh avangin kan riak ta a. A tukah chuan khualzin tangkhang an lo awm ve nual nen sumo seat a lo full vek tawh a. Mangang taka ka awm lain ka pu (putar pakhat) hian ka dinhmun lo hriain a chuan ai min chuan tir ta hlauh mai a, ka lawm zia chu. Tluang takin kan khua ka thleng a, ka pa thihna kut vawtin a man mek chu ka hmu hman a. Ka pa chuan thei leh thei lovin min lo lawm a, ka damchhunga ka nghilh tawh loh tur ka tawng ani.

Ka pu kha lo awm lovin a sumo seat kha min kian lo se, ka pa nena kan hun hnuhnung kha sawitur ka nei kher lo maithei. Ka pu kha ka hriat ngai a ni lova, a tan tangkaina engmah ka nei lo. Keimah vangin khual khuaah sum tam tak sengin a cham leh phah a. A in lum a thlahlel lo bik hauh lo anga, in lama a chhungte pawhin fur lai kawng chhe leimin karah an ngaihtuah ngawt ang. Mahse, kum upa lam a ni a, tawnhriat a nei hnem a, a tawnhriat hmanin ka dinhmun min hriatthiam pui a, Mizo pa a ni a, ka tan a inseng a, ka tan a tuar a ni. Putar anih vanga dah hniam ngawt chi a nilo, ani kha chuan Tlawmngaihna a nun pui a ni. A lan dan ah tharum a nei tam lo tih a hriat a, mahse a va chak si em. A vun vuai leh a lu a kelsam te kha a va mawi tak. Ka pa kha ka ngai thin ngawt mai; kha zinkawng hrehawm ka ngaihtuah chhuah changa lawmna min thlentlu Ka Pu fakzawm zia kha ka theinghilh thei mawlhlo.

BOARD EXAM

Regular class kal hman lo te tan Class X leh XII kumin October (2026) exam duh tan offline exam (NIOS) leh online exam (BOSSE) hnuaiad admission hawn mek a ni. Nakkum April 2027 Exam duh tan pawh admission hawn mek a ni. Fee hi installment in a theih e.

Contact: 8837052293,8575287058 (4-2)

SHEBAH TUI

Tui thianghlim chawi tur a awm reng e. ' 0.12/ltr. Leitan Ramthar Zuangtui Road.

60096 84085/8119865717 (5-2)

ADMISSIONS OPEN !!

ICFAI University Mizoram

Heng Course hrang hrangah te hian seat tlem a la awm e.

Under Graduate Course: BBA; B.Com; BCA; BSW; B.A General Subjects

Post Graduate Course: MBA; MSW; M.Com; MSc Geography; M.A All Subjects

Diploma Course: BBA Hospitality & Tourism (1 year)

#Direct Admission a tih theih e. #Campus Placement kaltlanga an zirlai zir chhuah ruala hna tha tak tak hmu an awm nual baw. # New Admission tan hian special scholarship chi hrang hrang a awm baw e.

Registration ti duh tan City Office, Chanmari, HDFC Bank bulah emaw Campus, Durtlang North-ah a tih theih reng e.

Contact: 9862743591 (3-1)



KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chhung tan discount kan pe e.

Ph: 9774223462 / 7005010327 (10-10)

KHIANGTE SEPTIC TANK SERVICE

Septic Tank khat paihfai, khur chhung lutin, Comode Block, Soak pit thar siam, Pipe Repair engkim a neitu te lungawi na thlap in kan thawk thei e.

Contact - 9862344971 Bawngkawn South (10-4)

JM SEPTIC TANK SERVICE

Septic tank khat paihfai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.

Rate: inbiak remna. Registration: MRS 542

Contact: 9862476439 (10-2)

TLUANGTEA SEPTIC TANK SERVICE

Septic tank khat paihfai leh repair kan ti thei reng a, rate chu inbiakremna a ni ang.

Contact: 6033373188/9612376373

C/o Marina: 9436140350 (10-2)

MAFELA SEPTIC TANK SERVICE

Septic Tank khat paihfai, commode block, pipe fit, soak pit thar siam engkim kan ti thei e.

Rate: Inbiakremna Ph: 9233440125 (10-2)

PUIA SEPTIC TANK SERVICE

Septic tank paihfai, commode block, pipe, commode fitting, soak pit leh a khur repairing engkim kan khawih thei e.

Rate: Inbiakremna Ph: 6909266562 (10-7)

SAWMA SEPTIC TANK SERVICE

Septic Tank khat paihfai, Commode block, Pipe Fit, Sockpit thar siam, engkim kan thawk thei e.

Rate: Inbiakremna Ph: 8119969364 (10-5)

VANCHHAWNG SEPTIC TANK

Septic tank khat englai pawh in kan paihfai thei a, repair, commode block, pippe block kan siam thei baw e,

Rate: Inbiakremna Ph. no: 9615458679 (10-5)

MD SEPTIC TANK SERVICE

Septic Tank paihfai leh commode block, soak pit hlui leh a thar kan siam thei a, pipe fitting engkim kan thawk thei e.

Rate: Inbiakremna Ph: 8258950077 (10-4)

VANLALFELA SEPTIC TANK

Septic tank paihfai, commode block, pipe, soak pit tha lo leh a thar pawh kan siam thei reng e. Kan sulhnu a felfai a, service hlun leh rintlak kan ni e. Hmanrua engkim kan intodelh bakah kan rate a tlawm e.

Contact: 9436199884 (10-4)

L.H. SEPTIC TANK SERVICE

Septic tank paihfai leh repairing engkim kan thawk thei e.

Kum 17 chuang experience nei kan ni e.

Rate: 4500/- per trip

Ph.: 6909183193 (10-3)

SP TUI

Tui hna thianghlim, ei leh in tlak, litre 2000 pickup trip kan pe thei e.

Mobile: 9615789047 (10-3)